

皇明常熟文獻志卷之五

邑人管一德士恒誤次

科第志

正德二年丁卯科

陳寰 察之弟字原大號琴溪第三名經魁辛未

第九名會魁

由翰林庶吉士授檢討大內災公上書言勤政
節用絕逸欲禁橫歛諸事語多戇罰俸半年因
謝病歸嘉靖初修 毅皇帝實錄召仍檢討公

上疏請復古左右史紀言動毋令他日汶國是
又言 文皇帝下金陵諸緣故主駢僂者請人
賜一傳庶有以風示永永不報尋充經筵講官
內艱歸服除再補原官時新貴人繇議禮驟遷
欲風致公爲助公不從遷南京國子司業再謝
病歸繇薦乃起爲國子司業時議尊孔子爲先
師毋得仍王號而言者遂欲併殺文廟器物公
持不可曰 陛下稱孔子爲先師蓋尊之也尊
之則闕里制當益不當裁 上是之俄超南京

國子祭酒公前後蒞太學者三其大指尚寬輔
法而行繼增城湛公而爲祭酒諸生德之以爲
尊莫如湛公親莫如陳公也有助教劉某者上
封事多所譴忤徵下獄柄臣疑其出自公指銜
公公遂致仕又四年而長公亦罷中丞歸間出
而鴈行鬣眉盡白簪履甚都邑人嘖嘖歎指曰
此二陳先生也公卒年六十三有集十二卷善
大書骨最清貴

子文周號太湖監生授光祿寺監事侍從 穆

廟青宮講學 肅皇帝親灑瓊翰作中正二字

特賜之後陞大同府通判以禦虜功有白金文

綺之賜再陞廣東鹽運司提舉兼攝府佐二縣

令一市舶事併提舉為五皆異數也是時嚴文

靖為冢宰實為之地而公亦自有幹畧

文周子欽明庠生耻籍其家聲力欲以文學嘗

曰士不登第奚用生為試應天不第據案號叫

遘疾卒妻華氏守節撫孤是為繩武

蔣公以志
有豪士傳

王舜漁 將年十九宗錫之姪號石溪丁丑進士
初任工部主事權稅杭州改刑部尋晉員外郎
轄錦衣衛久之遷山東按察司僉事整飭武定
兵備兩丁憂服除銓司扣補原官分巡遼海東
寧道東寧軍民雜揉邊圉多事號稱難治公鋤
強植弱寬嚴得宜是時邊墻頽圯延袤千餘里
撫臣潘公命之董修衆皆難之公經畫規度凡
三月而百雉屹然事聞有白金文綺之賜尋遷
山東副使整飭臨清兵備有巡河使者劉某劾

奏公不法事有 旨各回籍聽勘忽一夕奄逝

年四十七今祀鄉賢

淇公若水誌

聞東昌 武之子字會卿甲戌進士

初授工部主事未上卒于途

程淳

宗之族

字實夫初授嚴州府推官陞順天府通

判保定府同知

丁奉

字獻之號南湖戊辰進士居尚湖南

少失父孤貧備嘗艱苦淬勵舉子業治毛詩兼

通諸經史攻古詩文其經義精麗學者誦習之

多取上第去會試居本房第一明年上命吏部以進士試御史太宰首以公應選公以養母力辭懇乞南曹遂授南京吏部文選司主事晉驗封司郎中有考功郎某者自誇爲有權公諛之遂見銜會丁內艱歸明年京察郎遂爲蜚語中之當左遷時六科給事爲之不平上疏稱枉有旨諭吏部擢用時太宰陸公完手書數四趣公赴部公竟懇疏乞休併致書太宰勸其功成身退太宰覆奏公原職致仕年方三十八耳

士論高之遂得縱情詩酒寄傲湖山與方公鵬
陳公察相友善已乃沉酣六籍訓註五經究聖
賢之本旨訂儒先之謬誤又著通鑑節要五十
卷參之綱目以定褒貶檢之二十一史以覈事
實作贊斷千餘條俱梓行于世今附綱鑑中外
有南湖留稿十二卷撫臺歐陽公欲發帑羨爲
助以廣其傳而公念故友湯憲副繼文五喪未
舉卽以此賻之世尤稱其高誼卒年六十三

公所著又有五經臆言剖析疑義能解人頤維
專門名家有所不逮子健號柴溪价號苗涇任
號後涇俱有才華而健价俱廩生

浦旒 字允中號葵誠居九里登甲戌進士初
任刑部主事尋卒

瞿奎 字文華任青田縣知縣

正德五年庚午科

韋松 字惟真後復姓龔

王留 字存甫號南郭任饒州府通判有才名

所著有迴文詩稿人傳誦之卒年八十餘

嵇元鳳

字世賢由歲貢中式任南寧府推官

馮冠

玘之子字正伯號南濱癸未進士

少病癩癧幾殆有異僧視之曰此鼠癧也以藥
畀之令與貓肉竝進已而有肉如鼠者數十從
創中出遂愈旣壯善彈琵琶歌金元曲五上公
車未嘗挾箴惟挾琵琶而已旣釋褐授河南鄧
州知州以失備兵使者意自劾不任改國子監
博士遷工部主事預修 啟祥宮有白金文綺

之賜晉至郎中遷湖廣衡州知府蒞任甫二旬
尋卒于官年六十六居官無所濡染居鄉無所
請託郡守王公儀者公同年也往謁之門者不
爲通且掩賓館扉力拒旣而王公出迎公大謾
罵之王媿謝不已而公終身謝絕不復與見其
耿介如此

周懋 楷之子字元政丙戌進士警敏通世務
初任定海縣知縣有吏才與浙江鄉試事卒于
場中

周氏父子登科第者凡四周木周炯父子也周
炯周坦又父子也周彬周光宙父子也周楷周
懋亦父子也是他姓所無

又德八年癸酉科

茅貢 字承禹號白沙居沙頭之南由歲貢中
式登甲戌進士初任刑部主事晉至郎中遷雲
南府知府陞副使致仕後割隸太倉

王舜耕 舜漁之兄字于田號兩湖兄弟同登丁
丑進士吾邑惟兩家

初任廬陵縣知縣值武皇帝南狩公當迎駕于士民無所擾監司賢之擢監察御史尋丁憂服除補原官巡理長蘆釐法上便宜七事自是漕政疏通商竈兩便屬北畿督學員缺公代署其事再巡按河南一切請託俱謝絕屬歲大旱戒省厨傳供億以至薦紳餽遺之費槩行裁約人多銜之癸巳京察請光州州判再改濱州致

仕今祀鄉賢

瞿公景淳撰墓碣

李應虞

應夔之弟字仁卿任仁壽縣知縣

謝表

癸未進士字子正號小峯初任太常博士遷刑部主事晉至郎中致仕卒居在陽

正德十一年丙子科

周光宙

解元彬之子號文川由順天中式

初名照後以字行是時汪文莊公顧文康公爲考官得公卷大奇之拔第一阨于春官凡十餘上卒不第公亦自厭棄之徘徊山澤間先是嘉靖初工部李尚書拊循三吳以水利諮公公爲條對甚悉自是有白茆之役邑故無城癸丑屬

倭警公與議城之城址多侵民居公中侵獨多
弗恤也前後觀風使者如尚公維持輩式其閭
表以棹楔曰士元人瑞公忼慨敢言出入騶從
雍容甚都士林俱莊事之卒年八十有八王公

世貞撰誌

沈韓 海之長子由順天中式癸未進士號愛
葵初任曹州知州曹故逼河數患河決公築長
堤城外仍植柳以固之先是夫役太濫公務節
縮歲減夫錢十萬有奇會歲稔發粟賑饑已又

增葺黌舍以作新士類諸事俱當人心而獨于
吏胥輩嫉之太深雖小過必加箠楚有給由吏
號訴部堂誣構公過欲爲曹民乞命遂遷慶府
長史尋致仕居家訓迪子姓暇則營構山園葺
花異卉修竹茂林具酒速客笑傲酣歌享有歸
田之樂卒年六十八

錢學

由順天中式號奚川居奚浦任烏程知

縣歸田後賀壽七十父椿年亦九十人爭羨之
此西北區錢氏發科之始裔出武肅王之後有

奚浦祿園二派族甚鉅後有錢籍錢泮錢庶錢
之選錢順時錢順德錢岱錢時俊俱甲科錢允
錢大法錢達道俱鄉科凡十二人

陳鉞 由留守衛籍順天中式巳丑進士任工
部主事

孫舟 紀之孫丁丑進士號雲津任工部主事
引疾歸尋卒

公父名艾號西川讀古文辭博綜羣籍兼習書
繪嗜古名畫玩器稱好事家又稱鑒賞家雅好